

万国史记

一  
函  
八  
册  
函

萬國史記序

史有數體而國別居其一國別者昉於春秋外傳而終於九州春秋蓋自封建廢史統於一於是編年紀傳盛行而國別云體替矣魏晉以後是也而岡本子博乃有萬國史記之著其義何居宇宙至大萬國至衆林林然各稱雄長而無相統一史作於此時則國別爲宜焉爾昔之國別限於一方今之國別通於四方廣狹雖異體製則同抑吾聞之鄒孟曰一國之士交一國之士天下之士交天下之士夫史亦如是而已矣一國之士記一國之事天下之士記天下之事子博天下士也憂鄂羅逼北疆嘗官其地竭力經畧慮滿清爲鄰邦航海數次悉其情形而今又有此著足所未到目已及之目所未睹筆已載之求其所以廢興存亡治亂得失者以自觀省殆以萬國之史爲一國之史也吾每閱漢土史乘至所謂外國傳異域志未嘗不嘆其自小彼以中土自居而儼然臨萬國雖強大軼已者不夷狄視之則藩屬待之其政治得失不相關焉國勢強弱不相問焉彼爲彼我爲我其所以自大卽其所以自小近時有魏默深者好論海防能通天下之故然其著書題曰海國圖志是以五洲諸邦爲海國也夫大瀛環之何往而不然漢土亦一海國而已何問大小哉彼雖國大而不過方數萬里寢處乎方數萬里之內目不接海波而自外來者皆帆于海遂目以海國而自稱曰中土是井蛙之見耳默深以達識著稱猶局于素習而不自察則其他可知已子博我魏默深而萬國史記其海國圖志也而體製之得宜命名之不

謬如此蓋倣丘明國別而大其規模擬默深海防而祛其褊小是此書開卷第一  
故反復言之其叙事行文與默深書孰詳孰畧孰優孰劣則有見者而見之  
之明治己卯五月下浣成齋重野安繹撰

萬國史記序

古詩曰一日看除目三年損道心余則曰一日看書史三年長道心何以言之曰盛衰盈虛之理備於易而吉凶禍福之跡詳於史試觀於古今萬國之史太剛者折特強者驟守柔者久居弱者全智小而謀大者敗積薄而發驟者滅養厚而蓄久者成計密而慮深者存驕傲自用罔有不亡虛已納諫罔有不興奉崇天道福祥薦臻端任人智災害踵起約而言之盛衰盈虛如晝夜四時之迭至吉凶禍福莫非善惡邪正之應矣蓋史者與易相爲表裏而易理深奧淺學難窺至于史則事蹟昭然易得而見其所以防人之邪思而長道心者實具於其中焉余之作是言夫豈苟乎哉罔本韋庵好讀書善文辭足跡遍海內乘槎而西歷古齋魯過涿泗之鄉弔楚漢故跡旣歸而閑居索落遂著萬國史記屬余以叙余因理前言以冠其首冀世之讀是書者有以長其道心而驗余言之不誣也明拾十二年三月二十七日敬宇中村正直序

# 萬國史記序

西史分割制以降爲三曰上古中古近古上古概皆野蠻羅馬雖致一統專事搏噬無復人理及耶穌托言上帝以禍福諭愚民稍知所畏懼蠻風一變彼以耶穌生歲紀元者以其開教法功最大也中古以後英亞弗勒法沙立曼諸明主代起制度粲然可觀而人人拘泥教法不求進益及開龍檢出西大陸始明地球圓轉之理昭而日月星辰幽而鬼神晝夜兩間凡百物理皆研窮其所以然智識頓進學術大開百工技藝日精一日歐美隆盛實兆于此其分稱三古明古今明暗之別也蓋有天地而後有人民人民初生蠢蠢狂與禽獸無大異及其經年歲漸久講究物理擴充人道聰明日開世運歲進此萬國常態與地球始終者矣而東洋國俗是古非今談時事輒曰世運日降論人道輒曰風俗不古其不求進益與西洋中古教法爲弊時客相似宜矣爲彼之所侮蔑也阿波岡本監輔有志當世嘗慨俄人窺邊單身航北海歷覽唐太全島會大政維新從鎮撫使往與俄使論疆界後又遊漢土觀燕京踰長城徘徊韓魏齊魯之野有見乎東洋弊習所由曰方今急務在你萬國形勢乃輯和漢近人譯書數十部撰萬國史數十萬言請余序顧余言不足爲是書輕重且監輔將著書諷當世宜請名公巨卿矜式一世者之言而推寒素如余者豈非以余廢棄之餘猶能涉萬國沿革大旨與世晤帖自喜者異其所見乎哉乃論西史所以分稱三古以爲序明治己卯五月仙臺同千仞序

萬國史記目次

卷一

萬國總說

亞細亞總說

日本記

日本記附錄

卷二

中國記

中國記附錄

卷三

印度記

波斯記

犍鞞記

卷四

亞西亞記

巴勒斯坦記

腓尼基記

西里亞記

亞刺伯記

亞細亞諸國記

卷五

亞非理駕總說

埃及國記

亞非理駕諸國記

卷六

歐羅巴總說

希臘記

馬其頓記

卷七

羅馬記

羅馬教宗國記

意大利記

卷八

東羅馬記

土耳其記

卷九

法蘭西記上

卷十

法蘭西記中

卷十一

法蘭西記下

卷十二

西班牙記

葡萄牙記

荷蘭記

卷十三

日耳曼記上

卷十四

日耳曼記下

卷十五

瑞西記

奧斯地亞記

普魯士記

卷十六

俄羅斯記

波蘭記

瑞典記

丁抹記

卷十七

英吉利記上

卷十八

英吉利記下

墨西哥記

卷十九

亞美理駕總說

美國記

祕魯記

巴西記

亞美理駕諸

卷二十

阿塞亞尼亞續說

阿塞亞尼亞羣島記

題詞

慨照獨何思  
闕萬國史數千年間事盛衰興亡理惟有賢德者可以治愚矣強有力者  
勝弱者見驅使昔在鴻蒙時始建幾邑里由小以往大邦國所經紀固知百世後孰復具  
今似茫茫下土方遂將歸一耳  
已卯春日肥前副島種臣

萬國史記凡例

一此篇就翻譯諸書摘錄其要欲使蒙士博通萬國事蹟民情風俗其文雖用漢字其體反倣泰西史例

一自古各國興亡相踵未有一姓綿綿如日本國也彼稱帝王君臨一方多歷年所者今雖既亡滅亦從一國例如埃及國羅馬諸國是也而凡稱一國者其下係以日本國年紀使讀者知其興亡在某天皇某年其國不能獨立及名在獨立而實不甚顯者必併合爲一記所以別於獨立強國也

一西洋諸國皆用陽歷以耶穌生年紀元凡事在紀元以前則書紀元前幾年在紀以後則往往單書幾年今記西國之事仍從其例

一西洋紀年與東洋異其曰紀元前後一百年代者指紀元前後一年至一百年非如東洋稱自一百一年至一百九十九年爲一百年書中曰一百年代二百年代者皆準此

一書中里程從日本之制勿與清英諸國里法混視

一清人書外國君王之死曰死曰卒其例不一今概曰卒以從簡約其不得爲帝爲王者直書其名曰死

一地名人名官名物名之類皆取字音填之且地名旁施雙姓人名雙柱以便蒙士記憶亦欲其見者不在十論文

萬國史記卷一

萬國總說

地形如球，周圍三百六十五度，三分之水居其二，陸居其一。泰西人分水爲五洋：曰太平洋，曰大西洋，曰印度洋，曰南水洋，曰北水洋。土爲六洲：曰亞細亞，曰歐羅巴，曰亞非理駕，在地球之東半；曰南亞美理駕，曰北亞美理駕，在地球之西半。其外大洋島嶼甚多，總之卽一洲名，阿塞亞尼亞。

地球以南北兩極爲軸，而赤道橫繞其中，日輪正照，地氣炎熱，赤道南北各二十三度二十八分，爲黃道限。寒溫漸得其平，又再北再南各四十三度四分，爲黑道。去日漸遠，凝陰互結，凡天下富強諸國，率在黃道限內，其沿革事蹟歷歷可徵。赤道限內次之，漸近黑道，風氣曖昧，生齒稀少，風俗獷狃，無復史載可稽。

萬國古今沿革，不可勝記。其說天地開闢，互有異同。如我國古傳，三神成造化之始，二靈爲萬品之祖。天祖天孫，統理大八洲，理實灼然，不可誣也。中華上古有盤古氏，以至伏羲、神農氏，年代邈不可考核。迨唐虞始有文物足徵。至於西人所傳，詳諸亞西亞記，或曰人類大別五種：曰黃色，曰白色，曰黑色，曰紫色，曰銅色。原其始祖各自不同。

萬國開闢之初，其民茹毛寢皮，顛蒙無知。有聖人起，開物成務，使之漸進禮義。古初各國，概皆君王專治。其人亡，則其政熄。德行文章，與君王存滅。百年以來，學者唱自主說，曰獨

地球五洋  
六洲

天下富強  
諸國率在  
黃道限內

萬國史記  
有異同

百年以來  
學者自

亞細亞  
全地球四  
分之一

亞細亞中  
央有高山

亞細亞  
人類初生  
之地

立不倚。遊於法中。爲生人之通誼。天下公器。人身至重。不可委大權於一人。而受其制縛。以死刑爲涼德。以交戰爲野蠻。思神聖當國。遵守永遠息兵之約。則自今以往。文化之開。未可以自今以前例之也。

### 亞細亞史第一

#### 亞細亞總說

亞細亞。東至太平洋。西連歐羅巴亞。非理駕。南接印度洋。北枕北冰洋。得全地球陸地四  
分之一。在五洲中爲最大。地位與亞美理駕對峙。

洲之南部。有日本。中國。印度。波斯。亞刺伯。土耳其。諸國。氣候溫暖。田土豐腴。多花卉香木。動物最多。珍異中央。有高山。絕頂四時戴雪。山北寒冷。原野曠漠。卉木蕭條。韃靼人散居  
其地。牧駱駝馬牛。逐水草遷徙。不設屋宇。棲息帳幕之中。常喫家畜乳汁及肉。

亞細亞爲人類初生之地。他洲人民。皆自此轉徙。閩洲人口約五億。人類大別三種。曰蒙  
古種。曰甲加索種。曰馬來細亞種。率奉釋回二教。

太古印度強盛。擅大陸之權。人文斯興。當時洲壤延袤。人多不知。爾後客商往來。漸通洲  
內。西歷一千三百年代末。即後宇多天皇弘安年間。蒙古征服韃靼。中國俄羅斯歐羅巴  
數國始知亞細亞之廣大。尋歐人貿易漸盛。東西南盡通。惟北界荒漠。一千七百年代俄  
人往來販獸皮。還術所見。述俄帝遣兵征之。遂定北界。

舊記不同

日本記

洲內諸國學俗優絀不同昔時文物制度卓絕五洲今則瞭然在歐羅巴之後

我國史乘纂備人人記之不必贅言然既題曰萬國則不得自異提綱揅要所以成公看者亮之父子相繼國家常典特從省畧至中國記亦同此例

天御中主尊

三神成造化之始

國常立尊

伊弉諾伊弉冉二神

天神七代

天照太神

正哉吾勝

勝速日天

天孫產彥

大瓊瓊杵尊

天地未判之時有神在於高天原曰天御中主尊次曰高皇產靈尊次曰神皇產靈尊三神為獨化之神而成造化之始次曰可美彥牙彥舅尊次曰天常立尊二神亦為獨化之神次有物如浮脂生於空中因此化生曰國常立尊次曰豐斟淳尊二神亦為獨化之神次曰泥土煮尊曰沙土煮尊次曰角檣尊曰活檣尊次曰大戶之道尊曰大苦邊尊次曰面足尊曰惶根尊次曰伊弉諾尊曰伊弉冉尊八神為耦生之神而自國常立尊至諸冊二神七世是謂天神七代諸冊二神奉天神之詔降居磯取盧島婚媾生大日靈尊素盞鳥尊及國土諸神大日靈尊御高天原光華明彩照徹六合萬生徧被其德號曰天照太神素盞鳥尊鬚髻八握勇悍害物太神避之入天石窟幽居修己從諸神議謫諸新羅曾尸茂利之地後尊悔過遷善到出雲國銚川上得奇稻田姬為妻造宮於清作國詩一首和歌於是乎起成教於國十七傳至大己貴神一名大國主神與少彥名命經營國土諭國人曰父母可敬妻子可愛定醫藥禁厭之法眾聊賴焉天照太神以素盞鳥尊子正哉吾勝勝速日天忍穗耳尊為嗣天穗耳尊生天津彥彥火瓊瓊杵尊太神將使瓊瓊杵尊

不台尊

神武天皇

崇禎天皇  
孝安天皇  
孝昭天皇  
孝元天皇  
開化天皇  
聖武天皇  
武烈天皇

謝仁武

統治中州。勅天兒屋命。天大王命。天鈿賣命。石凝姥命。櫛明玉命。及天忍日命。諸神爲輔。賜之八咫鏡曰。此豐葦原。千五百秋之瑞穗國。吾子孫永世可王之地也。平之安之。執中勿失。汝視此鏡。猶我寶祚之隆。當與天壤無窮。又副藁雲劍。與八坂瓊曲玉。自是萬世一統。無復臣民覬覦神器者。瓊瓊杵尊。遂到日向國。高千穗岑營宮。生彥火。火出見尊。彥火。火出見尊。亦居西州宮。五百歲生彥波瀲武鸕鷀草葺不合尊。生神日本磐余彥尊。是爲神武天皇。天祖之德。天神之功。渾渾穆穆。神異不測。至天皇國勢大興。

神武天皇卽位之年東周惠王十七年而西洋紀元前六百六十年也甲寅歲天皇帥舟師東到大和討平長髓彥及八十梟帥諸賊開山林營宮室曰大人立制義必隨時苟利於民何妨興造至辛酉歲卽位於橿原宮定功行賞大臣可美眞手命侍臣天穗子命令牧珍彥諸臣濟濟在位輔翼治化祀皇祖天神立國號曰秋津洲撫育黎元恢弘不業傳綏靖天皇諱神渟名川耳安寧天皇諱磯城津彥玉手見懿德天皇諱日本彥耜友孝昭天皇諱觀松彥香殖稻孝安天皇諱日本足彥國押人孝靈天皇諱日本根子彥太瓊孝元天皇諱日本根子彥國牽開化天皇諱稚日本根子彥大日日八世無爲而化國人壽考數百歲不見干戈相傳孝靈帝時秦人徐福携其童男女千人抵熊野浦秦人誇稱東海有三神山曰蓬萊方丈瀛洲神仙住焉長生不死崇神天皇諱御間城入彥五十瓊殖寬博謹慎崇重神祇遣將軍於四道平定遠夷遠夷歸心國內豐安始校戶口課男女

景行天皇

成務天皇

仲哀天皇

應神天皇

役造舟舶便運。開池溝。通水利。任那人貢使者。留仕東宮。號曰御肇國天皇。垂仁天皇諱活目入彥五十狹茅率性任真。無所驕飾。詔禁殉死。作土偶代之。遷天照太神廟於伊勢度會。詔皇女倭姬。享壽數百歲。傳神教曰丹心清潔。齋戒無罪者。到常世國。有罪者歸黃泉國。曰神魂尊之精靈。入父母之氣。而有神化生焉。是謂人神。即吾人體中。以兵器爲神幣。賜弓矢於皇長子五十窮敷命。新羅王子天日槍歸化。請住但馬。許之。威信遠播。海表景行天皇諱大足彥忍代別。身長一丈二寸。征伐熊襲。躬冒矢石之衝。詔皇子日本武尊征蝦夷。遣武內宿稱巡察東北諸國。疆土日廓。成務天皇諱稚足彥界山河分國縣國郡置造長縣邑置稻置國內無事。人民富庶。皇從子足仲彥尊嗣立。是爲仲哀天皇。親率軍征熊襲。崩於香椎行宮。神功皇后氣長足姬居攝。將諸軍征新羅。結兩髻作男裝。船艦蔽海。鼓聲震天。新羅主面縛出降。命納質子徵幡師金帛八十艘。爲歲貢。常額高麗百濟望風來附。置官司。戍兵而還。應神天皇諱譽田別立鑒深遠。聖表有異。太后攝政六十九年。廷無間言。太后崩。始親政。蝦夷入貢役之作。厩坂路任那三韓高麗入貢。命鑿韓人池讓百濟王阿花無禮。削其地。王子阿直岐來朝謝罪。其妹新齊都媛入侍。秀士王仁獻論語儒教。始此。自神武帝元年。至天皇崩十五世。九百七十二年。政法簡易。人心忠厚。大道存乎不言。遠人歸化者日衆。至王仁傳儒教。諸皇子就學。文物燦然可述。應神皇太子菟道稚郎子受學王仁。怒高麗表文無禮。詰責使者。面壞之。與皇長子大鷦

仁德天皇

應仲天皇

反正天皇

九城天皇

安康天皇

雄略天皇

高麗天皇

顯宗天皇

仁賢天皇

孝武天皇

聖武天皇

孝德天皇

孝元天皇

孝靈天皇

孝和天皇

孝安天皇

孝昭天皇

孝元天皇

鷄尊讓位三年。遂自殺。成其志。大鷄鷄尊立。是爲仁德天皇。登高望見炊烟。痛自節愆曰。民之富。朕之富也。責新羅不供。徵其絹物八十艘。遣紀角宿禰於百濟。分國郡錄物產。遣田道討蝦夷。海內清平。刑措二十餘歲。履仲天皇。諱去來穗別。反正天皇。諱瑞齒別。允恭天皇。諱雄朝津間稚子宿禰。兄弟相及。並稱良主。履仲始置史官。通四方之志。允恭定姓。氏勿得詐冒。安康天皇。諱穴穗爲眉輪王。弑皇弟。誅眉輪卽位。是爲雄略天皇。諱大泊瀨。幼武殺市邊皇子。奪吉備田狹婁。頗不道。令諸國植桑。勅后妃躬桑。勸蠶事。賞吳人獻漢織吳織。勅根使主饗之。征新羅之關貢。存百濟於將亡。及末年益勤政事。天下歸心。人稱其雄才大略。曠世所無。清寧天皇。諱白髮。遣臣連巡察諸國風俗。親錄囚徒。顯宗天皇。諱來目稚子。仁賢天皇。諱大脚。兄弟履仲帝孫。久在民間。備嘗艱難。友愛謙讓。得之天性。顯宗節儉。薄斂省徭。德化宣流。歲比登稔。粟斛一銀錢。始設曲水宴。仁賢吏稱其職。戶口滋殖。遣使高麗求工匠。武烈天皇。諱小泊瀨稚鷄鷄。好刑名。臨視慘刑。人譏其不類先帝。而日宴視朝。聽獄訟。發奸摘伏。如神。繼體天皇。諱男大迹。系出於應仁帝。勸農桑。率廉節。徵五經博士於百濟。送還百濟民亡在任。那日本縣邑者。割任那上哆唎。下哆唎。婆陀牟婁。四邑與百濟。威恩並施。遠邇歸心。安閑宣化。欽明三帝。兄弟相及。敏達用明。崇神推古。四帝亦兄弟相及。安閑天皇。諱勾大兄宏量。致大有年。國家殷富。賜大酺。宣化天皇。諱檜隈高田。修屯倉貯穀。備凶荒。欽明天皇。諱天國排開廣庭。慈仁新墾。小田結田。賑給貧民。始

敏達天皇

用明天皇  
敏達天皇

推古天皇

舒明天皇

皇極天皇

至德天皇

有肅慎人來泊佐渡賜百濟長馬戰船及麥種。怒新羅。遣使內臣率舟師抵百濟。共伐新羅。遣命太子與廢繼絕。始傳佛教。致物部尾與蘇我稻目紛爭。敏達天皇諱諱田。嘗召使臣曰。羅於百濟。諸復任那。三卻新羅。入貢。許蘇我馬子拜佛。曰勿惑他人。用明天皇諱橋豐日。在位二歲。馬子橫肆。及崇神天皇。諱泊瀨部。遂殺守屋。建營諸寺。天皇惡之。馬子乃使東漢駒弑天皇。實爲我邦古今未曾有之大變。馬子不自安。殺駒曰誅弑君之賊。厥戶皇子稱聖德。佞佛黨。馬子曾莫之間。天皇嘗命紀男麻呂等率兵二萬餘屯築紫。遣使新羅。新羅請成。遂復任那。推古天皇諱豐飯炊屋媛。爲女皇。登極之始。厥戶皇子攝政。建四天皇寺。興隆佛法。定冠位十二階。定憲法十七條。始與隋往來。小野妹子率學生高向玄理。南淵請安等。使隋。隋使裴世清來聘。高麗獻隋俘及駱駝。掖玖人歸化。勅皇太子及馬子等。錄天皇紀國紀及臣連伴造國造等百八十部。始置僧官。命諸王諸臣著經習樂。遣詔薄葬。憂恤百姓。後世惜其不能討馬子。舒明天皇諱田村敏達。帝子。始與唐通。遣大上御田耜等於唐。唐使高表仁送御田耜等至難波。新羅使高麗使從高向玄理而來。給二國使爵各二級。始定斗升斤兩。皇后敏達帝曾孫寶皇女立。是爲皇極天皇。考古爲政。大旱祈雨。雨潤天下。百姓稱之。至德天皇。蘇我入鹿嗣父蝦夷爲大臣謀逆。皇子中大兄中臣鎌子。蘇我倉山田石川麻呂相謀誅之。蝦夷悉焚圖書珍寶自殺。自仁德帝至此。凡二十一世。三百三十二年。其初國威震於殊域。高麗百濟諸國稱臣納貢。中失駕馭。

漸致叛服不定。及後佛敎流傳。國人心志不和。政綱弛墜。至此元惡全除。皇運中興。中大兄皇子。有功讓位。叔父輕皇子。輕皇子立。是爲孝德天皇。以慈儉爲寶。日晏忘食。勤以自勵。曰。惟神治國。皇祖之訓。曰。欲致理者。先正。已然後正人。若不自正。無能正人。立中大兄皇子爲皇太子。始置左右大臣及內臣。立年號曰大化。懸鐘設匱。以求善言。錄戶口。造戶籍。定國界。置國司。制班田。收授法。禁兼井。行租庸調法。鑄市司。津濟之稅。觀射儀。定禮法制冠服。改增官位十九階。置八省百官。徵新羅質。讓其著唐衣冠。其規範不一。而足皇太子讓母重祚。是爲齊明天皇。賜陸奧津輕蝦夷冠位各二階。越國守阿倍比羅夫。伐蝦夷降之。置淳代。津輕二郡。伐肅慎。獲生熊二熊。皮七十張。再率舟師伐蝦夷。置郡領於後方羊蹄。津守吉祥。使唐。率蝦夷見其帝高宗。百濟佐平鬼室。獻唐俘百餘車。駕至築紫。崩于朝倉行宮。英風亞於神功皇后。窮極土木。致狂心渠之譏。皇太子素服稱制。六年登祚。是爲天智天皇。好學尊賢。明習治體。節儉勤劬。務從質樸。黑木御所。木九段。自製歌詞。罷石棺。弛築城。設學校。定典禮。制刑書。改增冠位爲二十六階。始置漏刻鐘鼓。定十陵。隨世數遞除。文章燦然可則。在位十年。唐大舉伐高麗。勅阿曇比羅夫護送百濟王子豐璋立爲王。賜糧仗布帛出。援兵數萬。拒戰百濟。獻俘及我師歸唐。遂滅百濟。豐璋奔高麗分處百濟。歸化民二千五百人於諸國。唐使郭務悰聞天皇崩。素服舉哀。東向稽首。弘文天皇諱大友。奉遺詔卽位。博學通古。有文武才幹。叔父大海人皇子舉兵叛。其將大伴。吹